



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1702. usque ad annum 1708

Fleury, Claude

August. Vind. [u.a.], 1781

VD18 13322648

§. 39. Petri Bonzii Cardinalis obitus.

[urn:nbn:de:hbz:466:1-67633](https://nbn-resolving.org/urn:nbn:de:hbz:466:1-67633)

Sæc. XVII. sophiæ scholis deturbandos morem gerent: Hoc autem decretum jam supra Lib. CCXI. pag. 34. adduximus, specialiter autem quatuor hæc propositiones Rex scholis eliminari voluit, scilicet. I. Æternitas Dei est successiva. II. Spiritus extensus est ita, ut totus extra totum sit, licet ejus extensio non tota extra seipsam omnino sumptam sit. III. Extra mundum quædam spatia positiva sunt, quæ ab immensitate Dei non distinguuntur, quare Deus revera est extra cælos. IV. Locus sumitur ex comparatione cum immensitate Divinitatis: tota extra se ipsam totam posita est.

§. XXXIX.

Petri Bonzii Cardinalis obitus.

Vit. Card.
t. I. p. 27.
Vid. supra
lib. 64.

Obiit hoc anno Petrus Bonzius Cardinalis in Etruria quidem natus, sed in Galliis enutritus, qui omnibus amabilis, colloquio jucundus, moribus gravis & comis, atque prudentia eximius, apud Mariam Medicæam Franciæ Reginam plurimum gratia valebat, ejusque opera a Ferdinando II. Magno Etruriæ Duce Orator apud Aulam Francicam renuntiatus, Cosmi III. nuptias cum Aurelianensi Principissa conciliabat. Obeunte ejus Pa-
truo

truo Clemente Bletteranum Episcopa- Sæc. XVII.
 tum adeptus, Regis nomine a Maza- A. C. 1703.
 rino Cardinale ad Venetos Legatus de-
 cernebatur, ubi Franciæ res ac com-
 moda tanto ardore procurabat, ut pri-
 mo Tolosanum, & postea Venetiis re-
 dux Narbonensem Archiepiscopatum
 in negotii bene gesti præmium obtine-
 ret: Paulopost a Galliarum Rege Ro-
 mam, annoque sequenti in Hispaniam,
 & demum in Poloniam Orator decretus,
 novum Regem Michaellem sua agendi
 dexteritate tam arcte sibi devinerat,
 ut eum non modo Gallicis partibus
 addictissimum redderet, sed insuper ad
 ejusdem Regis preces a Clemente X.
 Romanam Purpuram meritorum pretio
 mercaretur. Inde in Franciam redix,
 Reginæ ab Eleemosynis erat, ac Regis
 gratia excidere veritus, Regalium jus
 ad Alectensem & Apamiensem Eccle-
 siam, aliasque extensum fortiter pro-
 pugnat, propterea ab utroque Epi-
 scopo acribus literis exagitatus: Tan-
 dem Aulæ, rerumque mundanarum
 tædio affectus, soli Deo pietatisque
 exercitiis totum sese dicabat, atque
 ad Narbonensem Ecclesiam suam re-
 versus, ibidemque iterato apoplexia
 correptus, die undecima Julii pie in
 Domino obiit: Carpitur, quod immo-
 dicæ pompæ & fastui aliquamdiu ad-
 dictus,

Sæc. XVII. dictus, erga Hugonotas ad fidem con-
A.C. 1703. versos nimium indulgens fuisset, nec
 eos, ut Missæ sacrificio interessent, ad-
 stringere voluerit, imo ab eisdem suos
 filios abstrahere iussus, severa hæc Re-
 gis mandata non nisi invitus, obortis-
 que pene lacrimis executus sit, vel
 quod teneræ nimis, mitisque indolis
 esset, vel quod hæreticos ratione con-
 vincendos, non autem ferro & flamma
 cogendos esse, sibi firmiter persua-
 sum haberet.

§. XL.

Principum atque Illustrium fata.

Novo luctu Augustissimam domum
 Austriacam impleverat hoc quo-
 que anno obitus Mariæ Josephæ An-
 toniæ, quæ Leopoldi I. Imperatoris
 Filia die quarta Aprilis decimo sexto
 ætatis suæ anno ex variolis Viennæ
 decessit: ejusdem itineris comitem ha-
 buit Carolinam Felicitatem Ducis Mu-
 tinensis Conjugem, quam Joannes
 Georgius primogenitus Ducis Saxo-
 Leucopetrensis Filius die quinta Martii
 morte præcessit. Die autem vigesima
 nona ejusdem Mensis Georgius Fride-
 ricus Marchio Onolsbacensis in con-
 flictu cum Bavaris accepto lethali vul-
 nere obiit: pari etiam fato Christianus
 Hano-